

Վ Ա Ճ Ա Ռ Ա Կ Ա Ն

Թիֆլիսի առևտրական գազեթ:

Հրատարակում է շաբաթը մէկ անգամ կէս թերթ, կիրակի օրերով: 10 ամսայ գինը Մարտից մինչև Յունիսը՝ քաղաքում 2 ման. 50 կոպ., դուրսը՝ 3 ման. թ:

ՇԱԲԱԹԱԿԱՆ ԹԵՐԹ

(Ա.Ռ.Ա.ՋԻՆ ՏԱՐԻ)

Գազեթին ստորագրվիլ կարելի է խմբագրողի մօտ: Գազեթումը հրատարակելու կընդունվին մասնաւոր յայտարարութիւններ: Գների մասին կարելի է խմբակ խմբագրատանը:

ԲՈՎԱՆՆԵԱԿՈՒԹԻՒՆ:

«Վաճառականը» 1867 թ.ին Տէրութենի կարգադրութիւններ: Տորգեր: Թիֆլիսի վաճառականութիւնին հարկատու է ըլլալ: Չանապան տեղեկութիւններ: Առևտրական տեղեկութիւններ: Մասնաւոր յայտարարութիւններ:

«Վ Ա Ճ Ա Ռ Ա Կ Ա Ն»

1867 թ.ին.

Ահա, պատեւի ընթերցողներ, լրանում է մեր գործունէութենի 7 ամիսը և երեք ամսից յետոյ, այս ինքն յունվարի 1-ին կվերջանայ մեր էս տարվան շրջանը: Նոր տարուց սկսելու ենք նոր գործունէութիւն:

Բայց մինչև գալ ասարկան գործունէութենի վրայ խօսելը, քանզի չի լինիլ ասել երկու խօսք էս տարվան մեր գործի վրայ:

Էս տարի մեր գազեթի գինը տարին քաղաքում 3 մ. լինելով և դուրս 4 մ., իսկ 10 ամսական գինը քաղաքում՝ 2 մ. 50 կ., իսկ դուրսը՝ 3 մ., չտվեց մեզ միջոց ունելի մեծ թերթի վրայ սկսել տպագրութիւնը, քան թէ ինչպէս հիմի տպվում է. թէպէտ շատ նիւթ բովանդակելու համար աշխատել ենք շատ անգամ մանր տառով լքցնել մեր նումերները: Իսկ նիւթերի բովանդակութենի

և ընտրութենի մասին դատելը մենք բոլորովին թողնում ենք մեր ընթերցողների վրայ, միշտ պատրաստ լինելով ընդունել բոլորի կողմից օրինաւոր և մեր ուղղութենի յարմար նկատողութիւններ: Թէ բերանացի և թէ թղթով մէկ քանիսից մենք ստացել ենք նկատողութիւններ գլխաւորապէս մեր առևտրական նիւթերին վերաբերեալ (որովհետև մեր կարգացողները մեծ մասով վաճառականներ են), թէ նրանք չեն հասկանում մեր գազեթումը գործածված Եւրոպացոյ փողերի անունները և մէկ քանի բառեր առուտուրին վերաբերեալ և թէ մեր հաղորդած կուրսերը և առևտրական միւս տեղեկութիւնները հին են:

Էս երկու նկատողութիւններն էլ ուղիղ են, բայց առևտրական էգալիսի սկզբնական գիտութիւնները գազեթներումը չեն տրուելով, բայց մենք էդ բանին ճարտանելու համար մտադիր ենք գալ տարվան սկզբերին մեր գալ տարվան ստորագրողներին ձրիաբար տալ մէկ փոքրիկ «Առևտրական բառարան», որի մէջ հա-

մառօտ ամիսիված լինին թէ առուտուրին վերաբերեալ գլխաւոր գործածված բառերը և թէ գլխաւոր փողերի որքանութիւնը Ռսի փողի հետ համեմատելով: Իսկ առևտրական տեղեկութիւնների և կուրսերի նոր լինելու համար մենք թղթակցութիւն ենք արել «Ռուսաց տեղեկագրի ընկերութենի», հետ, որ գտնվում է Պետերբուրգում, մեզ գալ տարի մեր ամեն նուամերների համար դեպեչաներ գրելու ամեն շաբաթ առուտուրին և նմանապէս միւս հասարակական գործերին վերաբերեալ էնպէս որ մի և նոյն ժամանակը հետաքրքրական լինին և վաճառականների համար և աստիճանաւորների համար: Էս փոփոխութիւններն անելու հետ միասին մենք մտադիր ենք մեծացնել և հիմիկվան թերթը 1/2 ուլ, այս ինքն էնպիսի թղթի վրայ տպել, որ ամիսը 4 հիմիկվան կէս թերթի տեղ 5-ից մինչև 6 ը լինի իր մեծութենով:

Բացի էդ փոփոխութիւնները կարգադրում ենք, որ գալ տարի գազեթը կիրակի օրերով դուրս

գալու տեղ, որ շատ անյարմար էր տալարանի համար, դուրս գալ հինգ շաբթի օրերով և էդպիսով կարողանայ նմանապէս հասնել և դրսի քաղաքների փոստային:

Որովհետև էս փոփոխութիւններն անելու հետ մեր ծախսերը համարեալ թէ երկու անգամ աւելանում են, էս դուր համար մենք հարկաւոր ենք համարում նրանց ծածկելու համար աւելացնել և տարեկան ստորագրութենի գինը, թէ քաղաքում և թէ դուրսը նշանակելով 5 մ., որովհետև փորձով իմացված է, որ թէ փոստայի և թէ քաղաքում գազեթի բաժանողի ծախսը համարեալ թէ հաւասար են:

Մեր գազեթը գալ տարի էլ պէտք է պահպանէ իր հիմիկվան ուղղութիւնը, աշխատելով որքան իր միջոցները կներեն ծանօթացնել ընթերցողներին մանաւանդ առևտրական և տնտեսական գիտութիւններին վերաբերեալ գլխաւոր առարկաներին: Միշտ աչքներին առաջն ենք ունենալու նմանապէս մեր հայոց կրթութիւնը և ուսումը և դրան վերաբերեալ խնդիրները, առաջ բերելով լուսաւորեալ երկիրների մէջ ընդունված ուղղութիւնը և ուսումի ձևերը:

Գալ տարի էլ նմանապէս մեր գլխաւոր գործակիցը պէտք է լինի պ. Ա. Երիցեանցը, որն որ խոստացել է մեզ պատրաստել և վերոյիշեալ «Առևտրական բառարանը»: Բացի սրանից մենք ունենալու ենք գալ տարի Ռուսաստանի և Կովկասի

մէկ քանի քաղաքներումը թղթ-թաղիցներ, որոնք հաղորդելու են մեզ տեղական նորութիւններ, թէ առևտուրին և թէ հասարակական գործերին վերաբերեալ:

Հենց էս ամսվանից դալ տարվան, «Առաւելանի», ստորագրութիւնը բաց անելով, խնդրում ենք, որ մեր գազեթին 1867 թւին ստորագրվել ցանկացողները, յայտնեն մեզ իրանց կամքը մինչև նոյեմբերի վերջը, որ մենք կարողանանք ստորագրվողների թւի համեմատ կարգադրութիւն անել գալ տարվան համար:

ՏԵՐՈՒԹԵՆԻ ԿԱՐԳԱՐՈՒԹԻՒՆՆԵՐ:

Տ Ո Ր Գ Ե Ր:

Կովկասեան Խնտեղանտի կառավարութեամբ հոկտեմբերի 10-ին նշանակված է Նախիջևանի հիւանդանոցին 1867 թւին հարկաւոր նիւթեղէնների հասցնելու տորդը:

Գորու հիւանդանոցի կոնստրուկտոր մի և նոյն օրը նշանակված է էնտեղի հիւանդանոցին 1867 թւին հարկաւոր նիւթեղէնների հասցնելու տորդը:

Վանկի զինւորական հիւանդանոցի կոնստրուկտոր հոկտեմբերի 17-ին նշանակված է 1867 թւին էդ հիւանդանոցին հարկաւոր նիւթեղէնների հասցնելու տորդը:

Կովկասեան Խնտիների կառավարութեամբ հոկտեմբերի 10-ին նշանակված է Ախալցխայի բերդումը զանազան փոփոխութիւններ անելու տորդը: Էս գործի համար նշանակված է 8995 մ. 42¹/₄ կ.

Մի և նոյն տեղումը հոկտեմբերի 14-ին նշանակված է Ալեքսանդրոպոլի և Ախալքալաքի բերդերումը զանազան փոփոխութիւններ և շինութիւններ անելու տորդը: Էս գործի համար նշանակված է 59,157 մ. 65 կ.

Մի և նոյն տեղումը հոկտեմբերի 17-ին նշանակված է Վաղարշապատ քաղաքումը թերզի կողմի գործերի գլխաւոր հրամանատարի համար երկու յարկանոց քարաշէն տան շինելու տորդը: Էս գործի համար նշանակված է 39,709 մ. 39³/₄ կ.

Մի և նոյն տեղումը հոկտեմբերի 6-ին նշանակված է Վաղարշապատ գործի հրամանատարի տան մէջը և զինւորական հիւանդանոցումը զանազան փոփոխութիւններ և նոր շինութիւններ անելու տորդը: Էս գործի համար նշանակված է 8618 մ. 65¹/₄ կ.

Ստավրոպոլումը գտնված Ղազանի խնտիների կառավարութեամբ հոկտեմբերի 14-ին նշանակված է Ստավրոպոլի զինւորական հիւանդանոցումը զանազան փոփոխութիւններ անելու տորդը: Էս գործի համար նշանակված է 7740 մ.

Կովկասեան Պրիկապոլումը 1867 թւի յունվարի 19-ին նշանակված է պատուաւոր քաղաքացի Բադրատ Ալադաթեանցի ժառանգներին պատկանած, թիֆլիսումը գտնված երկու տան ծախելու տորդը, որոնցից մէկը վաւարաւորվելի քուչումն է քաղաքիս 2-դ մասումը և երկրորդը քաղաքիս 3-դ մասումը և 1 կվարտալումը:

Կովկասեան մաքսատանը հոկտեմբերի 4-ին և հետեալ օրերը, բացի կիրակիները և տօները, կծախվի 14 փութ և 2 ֆունտ կտաւ և 8 ֆունտ պրկալ:

Գաղստանի գաւառական կառավարութեամբ նոյեմբերի 12-ին նշանակված է կուտրացած թիֆլիսի քաղաքացի Զաքար Տէր-Խաչատուրեանցի 4,000 մ. զին դրած այգու ծախելու տորդը:

Թ Ի Յ Լ Ի Ս

հոկտեմբերի 1—1866.

Վաճառականութենի հեշտացնելու և ծաղկեցնելու կանոնաւոր միջոցներից մէկն էլ բիրժան է: Ամեն փոքր իշատէ առևտրական քաղաք, ամեն վաճառականների ընկերութիւն Եւրոպայումը չեն կարող լինիլ առանց բիրժայի: Նշանակած ժամանակը ժողովվելով, վաճառականները տեսնվում են միմեանց հետ կարելի է ասել ամեն օր. ամենքը միմեանց վրայ հսկողութիւն ունին, ամենքը իմանում են թէ իրանցից ո՞վ, ո՞րքան և ինչպիսի գործ է կատարում. էդ բոլորը ի հարկէ եթէ հեռու չէ վըտանդից, ահամայ աւելացնում է վաճառականի էհաբարը և ընդհակառակը վաճառականի փոքր իշատէ անզգոյշ և վտանգաւոր վարմունքը միևնորի աչքից թաքուն չկարողանալով լի-

Եւ բոլորի յարմար միջոցն է ի հարկէ միմիայն բիրժան: Առանց բիրժայի առ-
կտրական քաղաքը նման է լուսաւորու-
թենին հետեւող և ցանկացող հասա-
րակութենին առանց ուսումնարանի:

Կովկասեան կողմումը զլիաւոր առե-
տրական քաղաքը, Թիֆլիսը, պէտք է
ունենայ ժամանակով շատ փառաւոր
ապագայ, մանաւանդ երբ պատրաստ լինի
երկաթէ ճանապարհը Սև ծովից մինչև
կասպիս ծովը: Բայց մինչև էս ժամա-
նակն էլ Թիֆլիսն իր այժմեան առե-
տուրով կարող է հաւասարվիլ ոչ միայն
Ռուսաստանի, այլ և սահմանից դուրս
էլած շատ նշանաւոր քաղաքներին, որոնք
բոլորն էլ ունին վաղուց իրանց բիրժա-
ները, իրանց քաղաքական հասարակա-
կան բանկերը և այլն:

Թիֆլիսի մէջ որքան մեզ յայտնի է
մէկ քանի տարի առաջ էլած քաղա-
քաղիւնն առաջարկութիւն էլաւ բիր-
ժայի հաստատելու մասին, մինչև ան-
գամ պ. Ն. Արծրունու շինութիւնն էլ
աչքի տակովն անցկացրին էդ նպատակի
համար, բայց յետոյ բիրժայի խնդի-
րը մեզ անյայտ պատճառներով մնաց
անկատար: Մեր ժողովուրդը կամենում
է միշտ, որ ամեն լաւ բան տէրութիւնը
սկսէր, տէրութիւնը հրաւիրէր և յե-
տոյ մենք գործ սկսէինք: Բոլոր հոգսը
տէրութենի վրայ թողնելն անկարելի է:
Կառավարութիւնը ինքը ուրախութե-
նով կօգնէ և զոհ կլինի, եթէ մենք
մեր բարօրութենի համար հոգս անենք:
Հիմի, երբ որ պատրաստվում է գործ
դնելու բարձրագոյն հաստատված կանո-
նադրութիւնը քաղաքական կառավա-
րութենի մասին. աւելորդ չէր լինի մեր
վաճառականներին բիրժայի մասին հոգս
անել: Մեր այժմեան թոյլ առեւտուրին
էլ կեանք և կենդանութիւն տվողը կա-
րող է էլ բիրժան լինի: Շուտով յոյս
ունինք վերագառնալ էս խնդրին:

Ա. Ն.

ՉԱՆԱԶԱՆ ՏԵՂԵԿՈՒԹԻՒՆՆԵՐ:

Ապրիլի 4-ի գործի մասին:
Պետերբուրգի սեպտեմբերի 25-ին դեպե-

չայով դրում են, որ ամսի 24-ին բարձրա-
գոյն քրէական դատարանը յայտնեց իր դա-
տավճիւրը 34 հոգուն: Սրանցից մէկը, քա-
ղաքացի Ննչուտինի որդին, պէտք է խեղդվի,
որովհետեւ թագաւորի սպանելու չար մտքի
նախապատճառը սա է էլէլ, նմանապէս սա
է հաստատել կոմունիստիկական ընկերու-
թիւնը և զիտացել է կարակոսովի չար դի-
տաւորութիւնը: Միւս յանցաւորներից 7 հո-
գի քրտուրվելու են մշակութենի (կատորգա),
իսկ 9 հոգի Սիրի բնակեցնելու:

Խօշերայի մասին: Գեպիչայով դը-
րում են Պետերբուրգից սեպտեմբերի 22-ին,
որ էդ օրը էտեղ մոլերին է կատարվել խօ-
շերայի վերջնապու պատճառով:

Թիֆլիսի գաւառի բնակիչների
թիւը: Նոր հաշվառած տեղեկութիւններից
երևում է, որ Թիֆլիսի գաւառում բնակ-
վում են՝

21,538	աղակալներ, տղայ ու աղջիկ,
8,993	հոգեւորականներ ,,
25,290	քաղաքացիներ ,,
540,000	գիւղացիներ ,,
25,000	զինւորականներ ,,
4,835	օտարականներ:

626,191 հոգի բոլորը:

Հաշիւներից երևում է, որ Թիֆլիսի գա-
ւառում 100 տղամարդու վրայ 92,7 կինա-
րմատ է գալիս:

Նոր աղջկանց ուսումնարան
Թիֆլիսումը: Լսում ենք, որ Թիֆլի-
սումը Զրկինենց եկեղեցու քահանայ, ար-
ժանագատիւ Տէր Ղևոնդ Խարաղեանցի աշ-
խատութենով մի և նոյն եկեղեցու պարս-
պումը մօտիկ ժամանակներում աղջկանց
ուսումնարան պէտք է բացվի, որտեղ որ
պատրաստված է մօտ 25 աղջկայ տեղ: Եւ
ուսումնարանի հիմնադիր և զլիաւոր հոգա-
տարը պ. Ենանեանցն է, որն որ խոստացել
է տալ էդ ուսումնարանին տարեկան 200 մ.
և վից աղքատ աղջկանց՝ հագուստ մինչև
ուսումնարանումը սովորում լինին:

Էս լուրը շատ միտթարական է առհասա-
րակ բոլորի համար, որոնք աղջկանց ուսում
առնելն ու կրթութիւնը ընդհանուր ժողո-
վրդի լուսաւորութենի հիմն են համարում:
Աստուած տայ, որ էս գործը բոլոր յաջողու-
թենով դուրս գայ և էս ուսումնարանը բա-
րի օրինակ լինի և մեր միւս քահանաների
և եկեղեցիների համար:

Իրա ժամանակին մենք կհաղորդենք մեր
ընթերցողներին էդ ուսումնարանի մասին
մանրամասն տեղեկութիւններ:

ԱՌՆԵՏՐԱԿԱՆ ՏԵՂԵԿՈՒԹԻՒՆՆԵՐ:

Լիւերպուլ սեպտեմբերի 14:

Էսօր 20,000 հակ բամբակ ծախ-
վեցաւ էստեղ: Բամբակի գները բարձր-
անում են:

Պետերբուրգ սեպտեմբերի 13:

Կուրսը Լոնդոնի վրայ 30³/₄ պէս:
Պարիսի վրայ . . . 320 սանտիմ:
5% Լատարեյով առաջին փոխա-
ռութենի տոմսակները 113¹/₄ մանէթ:
— Երկրորդին . . . 107 մանէթ:
Թիֆլիս հոկտեմբերի 1:

Շաբարը Յրանսիացոյ . . . 9 մ. 60 կ.
— Ռսինը . . . 10 մ. 20 կ.
Արծաթը 84% —
— 72% 65 մ.
Ռսին 6 մ. 40 կ.

ՄԱՍՆԱԻՈՐ ՅԱՅՏԱՐԱՐՈՒԹԻՒՆՆԵՐ:

Թիֆլիսումը գրավաճառ Ա.
Էնֆիլաճեանցի մագաղինումը,
Բէալեան գիմնազիայումը պ. Ս.
Վարդանեանցի մօտ և «Վա-
ճառականի» խմբագրատանը
ծախվում է էս 1866 թւին տըպ-
ված Գ. Տ. Ա.-ի և Ա. Ե.-ի
աշխատասիրած «ԸՆԹԵՐ-
ՅԱՐԱՆ ԵՐԵՒԱՆԵ-
ՐԻ ՀԱՄԱՐ» անունով գիր-
քը հատով 40 կոպեկով, իսկ
գումարով 35 կոպեկով:

Գրավաճառ պ. Ի. Տէր Մե-
քայէլեանցի մագաղինումը ծախ-
վում է 1860 թւին տըպված Գ.
Տ. Ա.-ի, Ա. Ե.-ի և նրանց ըն-
կերների աշխատասիրած «ԲԱ-
ՐՈՅԱԿԱՆ ՊԱՏՄՈՒ-
ԹԻՒՆԲ» անունով երեխա-
ների կարգաւու գիրքը հատով
15 կոպեկով, իսկ գումարով 12
կոպեկով: